

湖南府縣志輯

中國地方志集成

道光新化縣志

K296.4
10
40

中國地方志集成

湖南府縣志輯 ⑤7

道光
新化
縣志

江蘇古籍出版社●上海書店●巴蜀書社

重修新化縣志序

修史莫難於志撰邑志者必合一邑之風土人物備悉於胸中而後見諸筆削皆有闢政教風化之言非徒踵事增華徵文攷典已也我

新化縣志

序

一

朝幅員式廓聲教四訖僻陬下邑皆各有志况新化為楚南名區山有火旗澤有瀟江靈淑所鍾賢才蔚起忠孝節義經濟文章代不乏人宰斯邑者當必廣教化美風俗有以

新化縣志

序

二

異乎俗吏之為而非同稗官野史之掌記也夫莫為之前雖美弗彰莫為之後雖盛弗傳新邑舊志始於前明姚君厥後于王纘其緒梁侯集其成蓋七十餘年於茲矣吳陽辛山林君以名進士莅任茲土勸農興學卓有政績而復於公務之暇旁搜博覽纂輯羣書凡書院考棚諸役皆不惜捐廉金以成盛舉故梅邑文風蒸蒸日上辛卯

恩科余典試此邦新邑獲雋者七人繼復奉

今視學是年冬按試寶郡文藝以新化為最面詢諸生僉稱林明府培植之力居多壬辰春續修舊志親加釐訂又與賢

新化縣志

序

三

紳士參互校正撮其體要判厥源流補闕拾遺彙成一卷秋九月郵寄省垣求余弁言簡端余覽其全編乃知事增於舊文倍於前本末兼該繁簡各當以視姚梁諸公之舊

作有過之無不及焉則觀斯志也固足徵明府學識之宏通而亦使後之君子得有所考据以資政治非獨一邑之幸而實邦家之光也其所以維持風教者豈淺鮮哉

新化縣志

序

四

道光十二年歲次壬辰九月上澣湖南督學使者岳鎮南文峯氏謨



重修新化縣志序

聯桂旣修綬甯縣志之明年卽赴新化新任查閱梁前縣棟所修縣志今經七八十年矣詢訪久而不修之由則日久不修志他邑患在才少新邑患在才多蓋新化進士舉人明經之類常百人有奇人人有自爲主稿之意議不一則權不專權不專則費不集費不集則事不成必欲續而成之則必邑宰自操筆削乃可裒羣言而集衆事然新邑案牘之多甲於南楚勘驗鞠斷

新化縣志

卷首 序

一

官無須臾之間卽勤敏自將了當公事稍有餘閒矣而風塵下吏未必盡熟於體例工於藻翰心長才短故續修之爲尤難或曰然則因其才之多而不一官之忙而不暇而遂不修乎曰不然仍因其才之多者而多用之官之忙者而忙理之而已迺具酒筵召紳老分採訪勸捐費於西廳之數柱堂置局焉當是時軍書旁午羽檄頻申卒卒無寧晷然終不敢以此事而分倩他人也簿書稍歇卽握管以凝思輿馬之中亦調

丹而屬稿森如束筍板幾汗牛十閱月而卒焉不甯惟是抑且與城樓書院之重修遺愛忠義祠節孝祠之重建煥然一新而考棚北塔亦次第將舉然則向特惠其才之多而志事難成者今反喜其才之多而諸事並成矣謂非宰斯邑者之幸哉方今

聖天子化成久道民物滋豐斯志續修事加於前卷倍於舊有由然也若夫因忙得暇撥冗有成字字目過篇篇手定其有合乎史氏之體裁聖人

新化縣志

卷首 序

二

之褒貶與否則又姑俟後之覽是志者矣時惟道光十二年十月下浣新化縣知縣林聯桂謹

新化縣志卷首

寶慶府新化縣知縣林聯桂纂修

凡例

一湖南通志卷首恭錄我

朝

祖

宗典訓

皇上諭詔尊

聖製也茲志謹遵其例非第崇

新化縣志

卷首

凡例

一

熙朝之冊府且將垂萬禩之訓行焉

一星野唐書言楚在軫九度內於辰爲巳張爲

索翼爲昴軫爲尾並繪爲圖言地者先驗於天

也

一圖考古者右史左圖一展卷如觀掌螺茲志

於天文則圖躔次於地輿則城池公署祠廟勝

景學校則禮器樂器一一臚列亦博古圖之一

助云

一建置沿革新化自高平置縣後隸屬遞易茲

特著其年代別其統轄庶考古者得悉其異同
分合焉

一疆域疆域之大者在山川故山川次之依山
爲城繞川爲池故城池次之有城池則有官府
故公署次之

一學校治縣之政莫先於學校典禮於是乎出
秩祀於是乎興總其教者爲職官著其效者爲
名宦故典禮秩祀職官名宦次焉

一田賦古者因田出賦計丁出役故丁口役食

新化縣志

卷首

凡例

二

支給附焉至若三年九年有脩者爲倉儲千里

百里不同者爲風俗斯又一縣以養以教之大

端也

一防汛揆文奮武之兼修捍難禦災之有脩故

演武之亭救火之器附之

一古蹟古人名蹟後人保護之而不令其湮沒

而多見於祠廟寺觀之間故祠廟寺觀仙釋相

聯屬焉

一水利新邑多山少水而塘堰之灌溉處處有

之至若關津之置渡輿梁之成橋則又濟人於水之利也故連類綴之

一選舉新邑科名最盛舊志所未登者按其年代科數悉行補入而人物又選舉之最著者也然亦有不登科甲而孝弟廉讓好義樂施足以風世勵俗者亦分類錄之以寓善善從長之意

一
封廕褒卹之典上榮其祖父下被其子孫一一錄之以爲教孝教忠之勸

新化縣志

卷首

凡例

三

一列女節義所以闡幽光勵風化也然必鄉評不虛事例亦合然後採錄昭其慎也

一流寓新邑僻在萬山之中地非通衢客少流寓茲僅錄舊志數人聊脩一門云爾

一鹽鐵新邑不產鹽而間產鐵亦農器之一助

一茶亭舊志無此類茲特添設亦濟人利物之

一端足以見人心風俗之厚

一物產山川林麓之產鳥獸草木之名宦囊無

書足供考訂此類藉鄒漢勲考据之助居多

一藝文傳世行遠莫大於藝文然非有關於經制政教古蹟土風者概不敢濫登

一詳異天道遠而人道邇詳異本不足憑茲續舊志而按年錄之亦寓有德則異可爲祥之義

一叢錄志中各類已成後復有採錄而零襍錄之者謂之叢錄亦補遺之意

一
聖擡頭格式悉照各部則例館例所以遵體制也

新化縣志

卷首

凡例

四

一足志議修於辛卯而是科鄉試文武中式者有唐棟歐陽炳文劉應祥余光炳唐梅戴翼劉振寶謝光嶽八人是志修成於壬辰而是科鄉試文武中式者有李杰立張聲鶴歐陽鵬段延發郭祥鰲蔣出家康濟

恩賜舉人張玉泮八人科名之盛適際其時書之以

志欣幸

一是志有首事而全無採訪者有非首事而遞呈事實者參差難於脩載至若謄錄校對生員

則有陳嗣昂藍江傑唐部元蔡錫申童生則有
周瑞歐陽烜謝譚會鄒漢勳經年志局厥有微
勞焉

新化縣志

卷首

凡例

五

新化縣志卷首

寶慶府新化縣知縣林聯桂纂修

同修官

新化縣學教諭張家桀

新化縣學訓導劉瓚方

新化縣汛把總陳國連

新化縣典史郎應宿

新化縣汛外委尹青定

新化縣志

卷首

同修姓氏

一

新化縣志卷首

寶慶府新化縣知縣林聯桂纂修

同修官

新化縣學教諭張家架

新化縣學訓導劉瓚方

新化縣汛把總陳國連

新化縣典史郎應宿

新化縣汛外委尹青定

首事

新化縣志

卷首

同修姓氏

一

知縣

游昌炳

教官

余昌泮 楊瑚 羅允湛 曾成松

羅世棟

舉人

歐紹洛 曾宣旬 歐陽鶴 晏貽玖

曾秀 張玉泮 鄒新照 劉岳

顏邦躍

貢生

殷光泰 羅廷澐 歐陽槐 李澤沐

劉立達 張可鳳 孫昌裔 成光昇

鄒學孔 曾忠輝 曾肅俊 譚傑

捐職生監

周作翰 曾忠道 伍瑞 鄧顯鵬

劉化 劉大禮 羅啟縉 歐陽培

王天培 蔣惟賢 周翔高 周作章

謝天駿 劉寬達 楊士傑 唐益

新化縣志

卷首

同修姓氏

二

鄒翼 謝銜 鄒榮鰲 孫傳統

鄒習孔 吳國璋 喻甘泉 羅巽

陳嗣勗 奉廣文 羅世瑤 唐增冀

龔長曙 龔春樹 易理會 厲朝儀

鄒隆淑 蔡錫申 鄒紹祖 陳家正

劉立楷 馬桂林 袁章龍 聶登瀛

鄒馨 歐陽膺 劉碧堂 姜承繼

張漢雲 鍾才耀 黃佐坤 艾士梅

新化縣志卷首

寶慶府新化縣知縣林聯桂纂修

目錄

卷一

諭詔

卷二

星野

卷三

圖考

新化縣志

卷首 目錄

一

卷四

建置

卷五

輿圖 縣境縣城縣署八景各圖附

卷六

疆域 閩隘形勝里居附

卷七

山川

卷八

城池

卷九

公署

卷十

學校 祭器樂器圖學田書院田租附

卷十一

典禮

卷十二

秩祀

新化縣志

卷首 目錄

二

卷十三

職官

卷十四

名宦

卷十五

田賦 丁口附

卷十六

倉儲

卷十七

風俗

卷十八

防汛 演武亭救火器具附

卷十九

古蹟

卷二十

祠廟 寺觀仙釋

卷二十一

水利

新化縣志

卷首

目錄

三

卷二十二

津梁

卷二十三

選舉

卷二十四

人物

卷二十五

封蔭

卷二十六

列女

卷二十七

流寓

卷二十八

鹽鐵

卷二十九

茶亭

卷三十

物產

新化縣志

卷首

目錄

四

卷三十一

藝文上 文賦序記

卷三十二

藝文下 詩詞

卷三十三

祥異

卷三十四

叢錄

新化縣志卷一

寶慶府新化縣知縣_臣林聯桂恭錄

詔諭一

天爲民牖聖爲天口定保明徵常憲永守典謨

訓誥之垂光天之下是彝是訓也久矣况我

皇上以人治人以

聖繼

聖際累洽重熙之

盛烈承

新化縣志

卷一 詔諭一

一

祖功

崇德之徽言凡

五朝典訓煌煌者

天語洋洋者

聖謨其所以一中外之趨而寡臣民之過者罔不光昭

區夏其諸天地合德日月合明四時合序者乎

因恭錄

綸音之行於世而被於楚者冠諸卷首以爲天下規云

爾

順治元年

世祖章皇帝定鼎登極

詔曰我國家受

天眷佑肇造東土

列祖邁圖鴻緒

皇考彌廓前猷遂舉舊邦誕膺

新命迨朕嗣服雖在冲齡締念紹庭永綏厥位頃緣賊

氛清熾極禍明朝是用託重親賢救民塗炭乃方馳

金鼓旋奏澄清既解倒懸非富天下而王公列辟文

新化縣志

卷一 詔諭一

二

武羣臣暨軍民耆老合辭勸進懇切再三乃於今年

十月初一日祇告

天地

宗廟

社稷卽皇帝位仍建有天下之號曰大清定鼎燕京

紀元順治緬維峻命不易創業尤艱况當改革之初

更屬變通之會爰乃酌今準古揆天時人事之宜庶

幾吏習民安彰

祖功

宗德之大所有合行條例臚列於左

順治十二年

諭曰朕惟帝王敷治文教是先臣子致君經術爲本自明末撥亂日尋干戈學問之道闕焉未講今天下漸定朕將興文教崇經術以開太平爾部卽傳諭直省學臣訓督士子凡理學道德經濟典故諸書務要研求淹貫博古通今明體則爲真儒達用則爲良吏果有此等實學朕必不次簡拔重加任用又念先賢之訓仕優則學仍傳諭內外大小各官政事之暇亦須

新化縣志

卷一 詔諭一

三

留心學問俾德業日修識見益廣佐朕右文之治特諭

順治十八年

聖祖仁皇帝登極

詔曰惟我國家受

天眷命

祖功

宗德肇造丕基我

皇考大行皇帝盛德至仁英資大度續承歷數統一寰

區恩澤洽於多方政教臻於上理方期邦國永慶雍熙不幸奄棄臣民遽升

龍馭顧以大寶屬於藐躬朕兢兢在疚本不忍問而諸王貝勒大臣文武官員人等僉謂神器既已攸歸天位不宜久曠堅請再三朕是以俯徇輿志勉抑哀衷於是月初九日祇告

天地

宗廟

社稷卽皇帝位仰惟

新化縣志

卷一 詔諭一

四

上天眷佑之篤

祖宗付託之隆涼德冲齡膺茲重寄敬圖觀光揚烈用紹無疆之休其以明年爲康熙元年與天下更始式衍舊恩聿宏新化所有合行事宜開列於後

康熙三十八年

諭戶部朕君臨天下撫馭兆人無日不以休養生息爲念嘉與元元共圖豐樂蠲租賜復時切於懷故從前於直隸各省權其緩急先後頻渙恩施今海宇昇平四方無事欲普天率土咸登阜饒惟湖南地方素稱

魚米之鄉比來雖年穀順成而民間猶未盡充裕是用格外加恩以綏黎庶所有康熙三十九年湖南通省地丁雜稅等項錢糧著一概蠲免爾部移文該督撫令徧飭所屬實心奉行家喻戶曉務俾深山窮谷均沾朝廷德惠以副朕愛民如子至意倘或藉端徵派澤不下究事覺定行從重治罪爾部卽遵諭行特諭

康熙四十二年

諭曰湖南紅苗目明朝以來負固不服今仍劫虜我民

新化縣志

卷一 詔諭一

五

人牲畜生事多端其附近奸民亦搶奪人畜及事發之後委罪於紅苗者有之紅苗人等不可令在三省接壤之地以爲民害著照招撫廣東八排徭人之例遣在京大臣前往帶荊州駐防滿洲兵一千竝著帶廣西貴州湖南三省兵乘此冬月直徧苗穴勒令歸誠設立州縣庶幾民生不致若此之擾害矣

康熙五十六年

諭戶部朕撫馭寰宇五十餘年夜寐夙興爲小民勤求生遂凡率土遠近皆期共享樂利聿成家給人足之

休未嘗一日不塵諸懷也數十年以來各省正賦經全免歷年積欠亦已蠲微偶有雨澤愆期或發倉廩散給或截漕糧賑救不惜數萬萬金錢米穀頻沛恩施誠念窮檐之艱慮其至於顛連失所耳近者民力雖已稍紓然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足朕每懷及此軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百

新化縣志

卷一 詔諭一

六

八十兩有奇概免徵收其漕項雖例不准免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一十四萬六千六百一十餘石內免徵各半爾部卽行文該督撫嚴飭所屬實心奉行徧加曉諭俾民間無徵催之累均沾實惠用稱朕撫卹羣黎至意倘有不肖有司借端朦混私行徵收者該督撫嚴察叅處如該督撫失察一竝從重處分爾部卽遵諭行特諭

康熙六十一年

世宗憲皇帝登極

詔曰惟我國家受

天綏祐

太祖

太宗肇造區夏

世祖章皇帝統一疆域我

皇考大行皇帝臨御六十一年德茂功高文經武緯海

宇寧謐歷數悠長不謂謝棄臣民遽升

龍馭親授神器屬於藐躬朕

新化縣志

卷一 詔諭一

七

皇考大行皇帝

德妃之子昔皇二子弱齡建立深爲

聖慈鍾愛寢處時依恩勤倍篤不幸中年神志昏憤病

類瘋狂

皇考念

宗社重任付託維艱不得已再行廢斥待至十有餘年

沈疾如故痊可無期是以

皇考升遐之日

詔朕繼承大統朕之昆弟子姪甚多惟思一體相關故

睦罔替共享昇平之福永圖磐石之安孔子曰三年無改於父之道我

皇考臨御以來良法美政萬世昭垂朕當永遵成憲不敢少有更張何止三年無改至於

皇考知人善任至明至當內外諸大臣朕方極資翼贊以期始終保全務期竭盡公忠恪守廉節俾朕得以加恩故舊克成孝思倘或不守官箴自干國紀既負

皇考簡拔委任之恩又負朕篤愛大臣之誼部院屬吏直省有司自宜實心任事潔已奉公不得推委上官

新化縣志

卷一 詔諭一

八

自曠厥職天下百姓受

皇考恩澤日久蠲賑頻施勸懲備至間有愚氓干犯律

令

皇考每遇讞決必加詳審爰書累牘披閱靡遺少有可

生之路立施法外之仁凡我百姓各宜孝親敬長畏

罪懷刑以副朕仰法

皇考如天好生之意茲因諸王貝勒大臣文武官員人

等僉謂天位不可久虛

宗社允宜早主再三陳請朕勉徇輿情暫抑悲痛於是

月二十日祇告

天地

宗廟

社稷卽皇帝位以明年爲雍正元年仰惟

先志之宜承深望皇圖之永固適昭新化期衍

舊恩於戲追慕

前徽繼述無忘於夙夜廣推

聖澤恩膏願被於寰區凡爾親賢文武共矢蓋誠各輸

心膂用紹無疆之業永垂有道之休布告天下咸使

新化縣志

卷一

詔諭一

九

聞知

雍正元年

諭禮部湖南士子赴湖北鄉試必經由洞庭湖湖水浩

瀚無涯波濤不測六七月間風浪尤險間有覆溺之

患朕心深爲惻然或致士子畏避險遠裹足不前又

非朕廣育人材之意今欲於湖南地方建立試院每

科另簡考官俾士子就近入場永無阻隔之虞共遂

觀光之願明年二月爲鄉試之期爾部可卽行文湖

南巡撫若能於二月之前預備場屋則於明春卽分

湖北湖南兩闈考試倘爲期已迫預備不及則於下

科舉行至於湖廣通省取中原有定額今旣分兩闈

其取中之數應如何分別湖南湖北巡撫公議著湖

廣總督從公酌定具奏特諭

又

諭湖廣總督楊宗仁湖北巡撫納齊喀湖南巡撫魏廷

珍等凡爲封疆大吏者貴學古尤貴通今能安民方

能裕國經濟之術烏可不講朕念爾楚省地方遼闊

戶口滋繁而恒產有限民食維艱間有殷實之家亦

新化縣志

卷一

詔諭一

十

不過僅自溫飽而已求其急公尙義賑災卹鄰者前

此未之或聞所以國家設立常平諸倉蓄穀積粟不

容一日少緩也又念官倉關係考成有司安敢擅動

偶逢旱潦詳報踏勘往返察驗未免後時古人云備

荒之倉莫便於近民而近民則莫便於社倉前密諭

爾等勸導建設蓋專爲安民起見非謂官倉穀少欲

假此儲蓄以誇張富有也爾等領會朕意自應轉諭

屬員體訪各邑士民中家道素豐有急公尙義之心

者使主其事果掌管得人出納無弊行之日久穀數

自增至於勸捐之時須俟年歲豐熟輸將之數宜隨民力多寡利息之入務從乎輕取償之期務從乎緩如值連年歉收卽予展限至豐歲完納必遇有奸頑之徒立意刁抗者然後從而懲創之以杜絕諸弊護衛良法外此一切條約有司毋得干預至行有成效積穀漸多該督撫亦止可具摺奏聞不宜造冊題報使社會頓成官倉貽後日官民之累朕初意欲如此耳孰料該督望影揣情而又欲速不達令各州縣應輸正賦一兩者納社倉穀一石且以貯穀之多少定

新化縣志

卷一 詔諭一

十一

牧令之殿最近聞楚省穀石見價四錢不等是何異於一兩正賦外收加四五錢火耗耶是爲裕國乎抑爲安民乎無乃學古而不通今之咎歟楊宗仁初舉毅然未嘗不好一旦銳意欲速而屬員又奉行不善其流弊遂至於此也在楊宗仁之病惟尙氣自用而魏廷珍納齊略所短又在阿順曲從夫豈朕所望於爾等清忠報國之意耶諭到該督撫速會同司道府等官確商妥議務得可以安民裕國經久之法以副朕委任至意特諭

又

諭湖廣總督楊宗仁朕惟安良莫如除莠扶正必先黜邪向有清淨無爲白蓮羅門等教妄立名號誑誘癡迷假因果之說飾詭異之跡夜聚曉散男女混雜黠者同聲相和愚者罔識其非爭趨崇奉黨類潛滋妨耕廢織莫此爲甚除他省朕經再三飭諭搜捕剷除聞爾楚省似此奸徒亦復不少爾其飭行所屬各員密訪渠魁嚴拏究懲化導脅從去邪返正務令妖萌盡淨陰翳全消風俗人心咸歸良善但須密加偵伺

新化縣志

卷一 詔諭一

十二

設法緝擒如得元惡酌以重賞有能出首者概予從寬切戒無知屬員急遽聲揚擾民駭眾致生事端則非徒無益而有害也慎之密之

雍正四年

諭戶部湖廣爲產米之鄉穀石最宜多貯將來運往別省皆爲近便今查湖廣通省存倉之穀只數十萬石爲數無多今歲湖廣收成豐稔著卽行文該省督撫令其動支庫銀十餘萬兩遴委賢員采買穀石於省倉及府州縣應貯之處加謹收貯此時只宜陸續采